

Date : 19 Oktober 2017

Title : Pertubuhan Persidangan Islam (OIC) memilih VC UNITEN sebagai penerima anugerah "The Jewels of Muslim World Award 2017"

Publication : Tenagawan Daily

Page :



OUR HEROES

MEMBELA PELAJAR MISKIN

PUTRAJAYA - Sebelum Dato' Prof. Ir. Dr. Kamal Nasharuddin Mustapha menjadi Naib Canselor UNITEN, sentuhannya telah membantu melahirkan lebih 2,000 graduan dari kalangan keluarga miskin di seluruh negara melalui dana pembiayaan sejak tahun 1996.

Mereka melanjutkan pelajaran di universiti tempatan mahu pun luar negara melalui peluang disediakan oleh Yayasan UNITI yang ditubuhkan sempena Kolej UNITI, antara institusi pengajian tinggi Islam swasta terawal di negara ini.

Pada hari ini, Prof. Kamal berpeluang menyambung usaha murni tersebut melalui Tabung Amanah Zakat UNITEN (TAZU) dan Yayasan Canselor yang menyalurkan bantuan kepada para pelajar serta warga kerja yang kurang berkemampuan.

"TAZU sejak ditubuhkan pada 2010, telah menyalurkan RM13.8 juta tidak hanya kepada warga UNITEN malah kepada warga kerja TNB di sekitar kampus ILSAS dan TNB Research Sdn Bhd melalui biasiswa pelajaran, zakat, bantuan akibat bencana, perubatan dan kecemasan," katanya dalam satu temubual di sini, baru-baru ini.

Usaha beliau membangunkan ummah melalui bidang pendidikan sains dan teknologi itu, mendapat perhatian

Bermula 2011 sehingga 2017, seramai 59 tokoh terkemuka dari dalam dan luar negara telah menerima anugerah ini.

Antara penerima terdahulu - Pengerusi Kumpulan, Permodalan Nasional Berhad, Tan Sri Abdul Wahid Omar (2016), Presiden Universiti Islam Antarabangsa, Tan Sri Prof. Dr. Mohd Yusof Noor (2015), Ketua Eksekutif, Kumpulan Permodalan Nasional Berhad, Tan Sri Dato' Sri Hamad Kama Piah Che Othman (2014) dan Rektor, Universiti Islam Antarabangsa, Prof. Dato' Sri Dr. Zaleha Kamaruddin (2013).

Jawatankuasa Pemilihan dari Pertubuhan Persidangan Islam (OIC), yang memilihnya sebagai antara penerima anugerah "The Jewels of The Muslim World Award" pada 19 September 2017.

Selain itu, komitmen Prof. Kamal dalam membantu Islamic Relief Malaysia (IRM) menjayakan misi membantu masyarakat Islam di seluruh dunia yang dilanda musibah akibat peperangan dan sebagainya, juga menjadi kriteria yang dinilai oleh OIC.

Para penerima anugerah 'The Jewels of the Muslim World Award' merupakan pemimpin penggerak dan penyokong (movers and shakers) aktiviti/organisasi yang berpotensi menjana kekayaan dalam usaha meningkatkan ekonomi umat Islam sejagat dan menjadi model dalam industri yang mereka ceburi.

- Laporan Mazrah Yunus/SA/AD | Foto - Ariff AV | Layout - AA

Saksikan wawancara bersama Naib Canselor UNITEN, Dato' Prof. Ir. Dr. Kamal Nasharuddin Mustapha di Livewire dan Info TV.